



TOSHKENT DAVLAT YURIDIK UNIVERSITETI REKTORINING B U Y R U G ' I

04.05.2023

264-tm-son

Dars mashg'ulotlariga kiritmaslik to'g'risida

O'zbekiston Respublikasi Vazirlar Mahkamasining 2017-yil 20-iyundagi "Oliy ta'lim muassasalariga o'qishga qabul qilish, talabalar o'qishini ko'chirish, qayta tiklash va o'qishdan chetlashtirish tartibi to'g'risidagi nizomlarni tasdiqlash haqida"gi 393-son qarori hamda O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasi majlisining 2023-yil 14-fevraldagi 13-son bayoniga asosan, shuningdek ta'lim sohasidagi asosiy prinsiplarga muvofiq,

BUYURAMAN:

1. O'zbekiston Respublikasi Vazirlar Mahkamasi huzuridagi Davlat test markazi tomonidan tasdiqlangan 2022/2023 o'quv yili uchun Talabalar o'qishini xorijiy oliy ta'lim tashkilotlaridan hamda O'zbekistonda faoliyat yuritayotgan xorijiy va nodavlat oliy ta'lim tashkilotlaridan davlat oliy ta'lim muassasalarining mos va turdosh ta'lim yo'nalishlariga ko'chirish bo'yicha o'tkazilgan test sinovlari qaydnomasiga muvofiq xorijiy oliy ta'lim tashkiloti – Qozon federal universitetidan Toshkent davlat yuridik universiteti bakalavriati "Yurisprudensiya: jinoyat-huquqiy faoliyat" ta'lim yo'nalishi 2-kursi o'zbek guruhiga o'qishi ko'chirilishi tavsiya etilgan O'zbekiston Respublikasi fuqarosi Ne'matov Temurbek Shamsiddin o'g'liga Toshkent davlat yuridik universiteti rektorining 2022-yil 15-sentabrdagi 193-tm-son buyrug'i bilan dars mashg'ulotlariga qatnashishga ruxsat berilganligi ma'lumot uchun qabul qilinsin.

2. Fuqaro Ne'matov Temurbek Shamsiddin o'g'li Davlat komissiyasi majlisining 2023-yil 14-fevraldagi 13-son bayoni bilan belgilangan so'nggi muddat – 2023-yil 15-mart kuniga qadar to'lov-kontraktning belgilangan miqdorini to'lamaganligi, shaxsiy yig'ma jildini shakllantirish uchun hujjatlarini taqdim etmaganligi, Toshkent davlat yuridik universiteti tomonidan uning shaxsiy yig'ma jildini jo'natish uchun yuborilgan 2022-yil 15-dekabrdagi 7-01/6554-7-01/4-son so'rovnomaga javoban Qozon federal universiteti 2022-yil 29-dekabrdagi 12-09/1703-son xat orqali uning mazkur universitetda o'qimaganligini ma'lum

qilganligi, ushbu xat unga tanishtirilib, xatolik yuz bergan bo'lsa, aniqlik kiritish imkoniyati taqdim etilganligi, biroq hozirda u dars mashg'ulotlariga qatnashmayotganligi sababli 2023-yil 3-may kuni u bilan telefon orqali o'tkazilgan suhbat davomida Qozon federal universitetiga o'qishga kirishi uchun ko'maklashgan konsalting firma kelishuv shartlariga rioya qilmaganligi bois shaxsiy yig'ma jildini taqdim eta olmasligini hamda 12-09/1703-son javob xati yuzasidan e'tirozi yo'qligini ma'lum qilganligi qayd etilsin.

3. Mazkur buyruqning 2-bandiga asosan fuqaro Ne'matov Temurbek Shamsiddin o'g'li dars mashg'ulotlariga kiritilmasin hamda mavjud hujjatlar belgilangan tartibda huquqiy baho berish uchun Yunusobod tumani prokuraturasiga yuborilsin.

4. Toshkent davlat yuridik universiteti rektorining 2022-yil 15-sentabrdagi "Dars mashg'ulotlariga qatnashishga ruxsat berish to'g'risida"gi 193-tm-son buyrug'i ilovasining 17-pozitsiyasi o'z kuchini yo'qotgan deb hisoblansin.

5. Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

6. Ushbu buyruqning ijrosini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i

B.AVAZOV



Kelishildi:

Boshqarma boshlig‘i

S.BOZAROV



Bo‘lim boshlig‘i

S.RAJABBOYEV



Bosh buxgalter

M.PARPIYEV



Katta yuriskonsult

A.TURSUNOV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Buyruq bilan tanishdim

B.AVAZOV

